



Udruženje „Sindikat radnika u zdravstvu u Kantonu Sarajevo“
Obala Kulina bana 1, 71000 Sarajevo, Bosna i Hercegovina

Broj: 375/21
Sarajevo, 22.09.2021. godine

Sindikat radnika u zdravstvu u Kantonu Sarajevo
Predsjednice/predsjednici osnovnih sindikalnih organizacija

PREDMET: Izjašnjenje članstva, traži se

Poštovani,

Na naš poziv, upućen 17.09.2021. godine Pregovaračkom timu Vlade Kantona Sarajevo, da sastanak u vezi kolektivnih pregovora održimo 22. ili 24. septembra tekuće godine, putem e-maila, dana 21.09.2021. godine od strane sekretara Ministarstva zdravstva Kantona Sarajevo smo obaviješteni da ctt: „zbog ranije zakazanih obaveza u resornom Ministarstvu, kao i u Ministarstvu pravde i uprave te Ministarstvu za rad i socijalnu politiku Kantona Sarajevo, predloženi termin za održavanje sastanka Pregovaračkog tima bismo morali pomjeriti za dan u periodu od 04.10.2021. godine, te shodno tome predlažemo dan u toj sedmici mjeseca oktobra koji bi i Vama bio odgovarajući“.

Dakle, Pregovarački tim Vlade Kantona Sarajevo, čiji je voditelj prof. dr Haris Vranić, u periodu više od 14 dana od dana dostavljanja poziva za sastanak nema vremena da se odazove pozivu i prisustvuje sastanku sa predstavnicima ovog Sindikata, pa ni u trajanju od bar jednog sata predlažući novi termin za sastanak početkom idućeg mjeseca. Ovakvim odnosom prema socijalnom dijalogu i ovom Sindikatu, kao socijalnom partneru, Pregovarački tim Vlade Kantona Sarajevo pokazuje svoj odnos prema radnicima u zdravstvu, kao i spremnost/nespripremanost Vlade Kantona Sarajevo da se konačno riješi pitanje kolektivnog ugovora za oblast zdravstva u Kantonu Sarajevo.

Naglašavamo da Pregovarački tim Vlade Kantona Sarajevo još uvijek nije dostavio svoj prijedlog koeficijentata složenosti poslova, a što je trebao učiniti do 21.08.2021. godine, te da od 11.08.2021. godine nije bilo sastanaka pregovaračkih timova ovog Sindikata i Vlade Kantona Sarajevo i to zbog jednogodanog prekida socijalnog dijaloga od strane Pregovaračkog tima Vlade Kantona Sarajevo i donošenja rješenja Ministarstva za rad, socijalnu politiku, raseljena lica i izbjeglice Kantona Sarajevo da Sindikat radnika u zdravstvu u Kantonu Sarajevu nije reprezentativan za područje djelatnosti zdravstvene zaštite na području Kantona Sarajevo, a za koje je Kantonalni sud u Sarajevu donio odluku o odgodi izvršenja do okončanja sudskog spora.

U konačnici, navedeno znači da će od posljednjeg sastanka održanog 11.08.2021. godine pa do termina za sastanka u prvoj sedmici oktobra tekuće godine, kako predlaže Pregovarački tim Vlade Kantona Sarajevo, proći skoro dva mjeseca.

Sa gore navedenim, kao i sa dopisima koje dostavljamo u prilogu ovog akta, potrebno je da upoznate članove u osnovnim sindikalnim organizacijama čiji ste predsjednice/predsjednici i od istih tražite stav koje aktivnosti i radnje poduzeti u vezi održavanja sastanka pregovaračkih timova, a povodom gore navedene obavijesti sekretara Ministarstva zdravstva Kantona Sarajevo.

Izjašnjenje dostaviti najkasnije do petka 24.09.2021. godine na e-mail: sindikatzdravstvak@hotmai.com ili fax: 033-667-287.


U prilogu:

- Poziv za sastanak broj: 368/21 od 17.09.2021. godine
- E-mail sekretara Ministarstva zdravstva KS od 21.09.2021. godine
- Rješenje Kantonalnog suda u Sarajevu broj: 09 0 U 039662 21 U od 04.10.2021. godine

Dostavljeno:

- Naslovu x17

- a/a



tel/fax: 033 667 287, mob: 062 933 674

www.sindikatzdravstvak.ba; e-mail: sindikatzdravstvak@hotmai.com
ID:4202158440004; TRN: 1344601000009367 ASA banka d.d. Sarajevo